



CANTON SARAJEVO
Cantonal Civil Protection Administration
Operational Center

Broj: 04-40-1-312/21
Sarajevo, 09.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 08.11.2021. do 08:30 sati 09.11.2021. godine

Štaba civilne zaštite Kantona Sarajevo (u daljnjem tekstu: Štab) je dana, 08.11.2021. godine u 09:00 sati održao vanrednu sjednicu na kojoj je razmatrao trenutno stanja na području Kantona Sarajevo uzrokovano poplavama, te na osnovu informacija prikupljenih s cjelokupnog područja Kantona Sarajevo, a uvažavajući činjenicu, da su već općinski načelnici: Ilidža, Vogošća i Ilijaš na prijedlog svojih općinskih štabova civilne zaštite donijeli odluke o proglašenju stanja prirodne nesreće uzrokovano poplavama na području svojih općina, procijenio je da su stvoreni uslovi da se na području Kantona Sarajevo, proglasi stanje prirodne i druge nesreće i shodno tome predložio Vladi Kantona da donese Odluku o proglašenju stanja prirodne nesreće od poplava na području Kantona Sarajevo.

U cilju preduzimanja koordiniranih aktivnosti i mjera na otklanjanju posljedica od poplava Štab je održao sastanak s predstavnicima općina (načelnicima općina i pomoćnicima načelnika za civilnu zaštitu, KJKP Vodovod i kanalizacija, KJKP Park i JU zavod za javno zdravstvo Kantona Sarajevo) na kojem su dogovorene planske mjere koje se trebaju zajednički preduzeti na saniranju posljedica od poplava i pružanju pomoći stanovništvu na ugroženom području.



Vlada Kantona Sarajevo je prihvatila prijedlog Štaba i donijela Odluku o proglašenju stanja prirodne nesreće od poplava na području Kantona Sarajevo, koja je proslijeđena putem našeg Kantonalnog operativnog centra civilne zaštite, svim općinama na području Kantona, kao i Federalnom operativnom centru civilne zaštite.

U toku prethodnog dana organizovane snage zaštite i spašavanja Kantona Sarajevo (Štab civilne zaštite, Kantonalna uprave civilne zaštite, Profesionalna vatrogasna jedinica i službe zaštite i spašavanja) u koordinaciji sa Vladom Kantona Sarajevo, kantonalnim ministarstvima, kantonalnim upravnim organizacijama, KJKP i općinskim strukturama zaštite i spašavanja, privatnim firmama i humanitarnim organizacijama preduzimale su mjere i aktivnosti na otklanjanju i saniranju posljedica od poplava, kao i na pružanju neophodne pomoći stanovništvu na ugroženim područjima. Sve navedene snage su sa svojim ljudskim resursima, mehanizacijom i opremom bile angažovane na čišćenju saobraćajnica, kao i na dostavi hrane, vode, lijekova, higijenskih i drugih potrepština stanovništvu na ugroženim područjima.

Općina Ilidža

U skladu sa zaključcima Općinskog štaba civilne zaštite sa 7. vanredne sjednice, sa dežurnom ekipom, izvršen je obilazak terena na području svih MZ-e, te je izvršen pregled ugroženih područja, te se na osnovu istog može konstatovati da se stanje postepeno normalizuje.

Službe zaštite i spašavanja sa mehanizacijom su nastavile radove na čišćenju i pranju saobraćajnica i dvorišta privatnih kuća, kao i iscrpavanju vode iz stambenih objekata. Formirane su dvije ekipe za tu namjenu. Pravljeni su nasipi na obali rijeke Željeznice i to u ulicama Barska i Sastavci. Povjerenici CZ su vršili punjenje vreća sa pijeskom koje će se upotrijebiti u slučaju potrebe. Vršena je dostava hrane, vode i ostalih potrepština ugroženom stanovništvu.

Zbog nastalih šteta aktivirana je Komisija za procjenu šteta Općine Ilidža.

Organizovani su dežurni timovi, kao i službe sa mehanizacijom koji kontinuirano prate stanje na ugroženim području i preduzimaju neophodne mjere na otklanjanju i saniranju posljedica od poplava.

Općina Novi Grad

U toku jučerašnjeg dana na otklanjanju i saniranju posljedica od poplava bile su angažovane organizovane strukture civilne zaštite Općine Novi Grad i druge i druge općinske službe uprave i javna preduzeća, koje su sa ljudstvom, opremom i mehanizacijom radili na raščišćavanju i odvozu smeća na područjima koja su bila poplavljena, te dostavi isušivača vlage najugroženijim objektima.

Ekipe Općinske službe civilne zaštite Novi Grad su na terenu, prate situaciju i preduzimat će neophodne mjere na pružanju pomoći stanovništvu na ugroženim područjima.

Općina Vogošća

U protekla 24 sata izvršen je obilazak ugroženog terena i konstatovano je da je stanje znatno bolje u odnosu na prethodni dan. Rijeka Bosna se i dalje povlači na većini lokacija koja su bila



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

poplavljena. Na osnovu stanja na terenu odmah su angažovane strukture civilne zaštite Općine Vogošća na ispumpavanju preostale vode iz podruma, okućnica, saobraćajnica i poslovnih prostora, te na sapiranju saobraćajnica koje su bile pod vodom. Planirano je da se na ugroženom području provodu mjere dezinfekcije, dezinsekcije i deratizacije. Također, je izvršen terenski obilazak na klizištu Mehtefčić po prijavi oštećenja na saniranom dijelu puta u sklopu sanacije klizišta.

Snabdjevanje električnom energijom i vodom je uredno.

U protekla 24 sata primljen je veći broj poziva za pomoć i za procjenu šteta uzrokovanim poplavama. Sve je evidentirano i postupa se u skladu sa mogućnostima.

Organizovane općinske strukture zaštite i spašavanja će i u toku dana nastaviti aktivnosti na saniranju i otklanjanju posljedica od poplava i na pružanju pomoći stanovništvu na ugroženom području.

Općina Ilijaš

U skladu sa Odlukom o proglašenju stanja prirodne i druge nesreće na području Općine Ilijaš, na otklanjanju i saniranju posljedica od poplave u toku jučerašnjeg dana angažovano je sedam građevinskih mašina (dva skipa, jedan buldozder, dva kamiona, jedna cisterna i jedna VOMA).

Navedena mehanizacija sa ljudstvom radile su na čišćenju nanosa blata i smeća kod kuća Suša u naseljima Donja Luka, Ribarićima, Malešićima i Ljubnićima, te na putnoj komunikaciji Luka-Žorkre. Povjerenici civilne zaštite su bili angažovani na ispumpavanju vode iz podvožnjaka u Gornjoj Luci u MZ Srednje. Također, se kontinuirano provode preventivne radnje na klizištu u Ljubnićima, te odvodnji vode sa Apartmanskih naselja u Lješevu, Podlugovima, Mrakovu i Ribarićima.

Navedene aktivnosti će biti nastavljene i u toku današnjeg dana.

Općina Trnovo

U toku jučerašnjeg dana anagažovana je 11 građevinskih mašina (kamioni, kiperi i utovarivači) sa ljudstvom na raščišćavanja magistralnih, regionalnih i lokalnih puteva. Voda iz lokalnih vodovoda Pendičići, Gračanica i Godinja još uvijek nije za piće.

U toku dana nastavit će se aktivnosti na otklanjanju i saniranju posljedica od poplava.

Iz općinskih službi civilne zaštite: Stari Grad, Centar, Novo Sarajevo i Hadžići smo obaviješteni, da obilne kišne padavine u izvještajnom periodu nisu prouzrokovale veće probleme.

U izvještajnom periodu Kantonalni operativni centar civilne zaštite Kantona Sarajevo primio je informaciju o pronalasku NUS-a i to dana, 08.11.2021. godine u 12:05 sati od strane Službe civilne zaštite Vogošća da se u naselju Barica nalazi jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeni NUS-a preuzeti u narednom periodu.



Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su četiri intervencija i tok jednu na gašenju zapaljenog smeća u kontejneru, jednu na gašenju zapaljenog smeća u kamionu i jedna tehnička intervencija na ispumpavanju vode iz prostorija firme „Messer“ i jedna dežura na Međunarodnom aerodromu Sarajevo.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 7°C, vlažnost zraka 100%, barometarski pritisak 945,9 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1